

# Cynllun Busnes 2024/25 yr Awdurdod Safonau Proffesiynol (PSA)



## **Yr Awdurdod Safonau Proffesiynol ar gyfer Iechyd a Gofal Cymdeithasol Cynllun Busnes 2024/25**

Cyflwynwyd i'r Senedd yn unol ag Atodlen 7, Paragraff 16 (1B) y Ddeddf Diwygio'r Gwasanaeth Iechyd Gwladol a Phroffesiynau Gofal Iechyd 2002, fel y'i diwygiwyd gan y Ddeddf Iechyd a Gofal Cymdeithasol 2008 a'r Ddeddf Iechyd a Gofal Cymdeithasol 2012.

Gosodwyd gerbron Senedd yr Alban gan weinidogion yr Alban dan y Ddeddf Diwygio'r Gwasanaeth Iechyd Gwladol a Phroffesiynau Gofal Iechyd 2002, fel y'i diwygiwyd gan y Ddeddf Iechyd a Gofal Cymdeithasol 2008 a'r Ddeddf Iechyd a Gofal Cymdeithasol 2012.

Gosodwyd gerbron Cynulliad Gogledd Iwerddon yn unol â'r Ddeddf Diwygio'r Gwasanaeth Iechyd Gwladol a Phroffesiynau Gofal Iechyd 2002, fel y'i diwygiwyd gan y Ddeddf Iechyd a Gofal Cymdeithasol 2008 a'r Ddeddf Iechyd a Gofal Cymdeithasol 2012.

Gosodwyd gerbron Senedd Cymru yn unol â'r Ddeddf Diwygio'r Gwasanaeth Iechyd Gwladol a Phroffesiynau Gofal Iechyd 2002, fel y'i diwygiwyd gan y Ddeddf Iechyd a Gofal Cymdeithasol 2008 a'r Ddeddf Iechyd a Gofal Cymdeithasol 2012.



© Hawlfraint Awdurdod Safonau Proffesiynol 2024

Trwyddedir y cyhoeddiad hwn o dan delerau Trwydded Llywodraeth Agored v3.0 ac eithrio lle nodir yn wahanol. I weld y drwydded hon, ewch i [nationalarchives.gov.uk/doc/open-government-licence/version/3](https://nationalarchives.gov.uk/doc/open-government-licence/version/3).

Pan fyddwn wedi dynodi unrhyw wybodaeth fel hawlfraint trydydd parti bydd angen i chi gael caniatâd gan ddeiliaid yr hawlfraint dan sylw.

Mae'r cyhoeddiad hwn ar gael ar [www.professionalstandards.org.uk](http://www.professionalstandards.org.uk)

Dylid anfon unrhyw ymholiadau parthed y cyhoeddiad hwn atom yn [info@professionalstandards.org.uk](mailto:info@professionalstandards.org.uk).

ISBN 978-1-5286-4918-6

E 03130199 07/24

Wedi'i argraffu ar bapur yn cynnwys lleiafswm cynnwys ffibr wedi'i ailgylchu o 40%

Argraffwyd yn y DU gan HH Associates Ltd. ar ran Rheolwr Llyfrfa Ei Fawrhydi

# Crynodeb o Gynllun Strategol 2023-26 y PSA

## Gweledigaeth

Gofal mwy diogel i bawb trwy safonau uchel o ymddygiad a chymhwysedd mewn gweithwyr iechyd a gofal cymdeithasol proffesiynol.

## Taith

I ddiogelu cleifion, defnyddwyr gwasanaeth a'r cyhoedd trwy wella rheoleiddio a chofrestrriad gweithwyr iechyd a gofal cymdeithasol.

## Nod strategol 1

**Diogelu'r cyhoedd trwy ddarparu trosolwg effeithiol iawn o reoleiddio a chofrestru.**

- Cyflawni ein dyletswyddau statudol, targedu ein hadnoddau ble mae'r risg mwyaf i'r cyhoedd.
- Cefnogi safonau uchel mewn rheoleiddio a chofrestru iechyd a gofal cymdeithasol trwy ein hadolygiad perfformiad, adolygiadau adran 29, cofrestrau achrededig, swyddogaethau polisi a chyfathrebu.
- Adolygu a gwella ein prosesau (gan gynnwys newidiadau deddfwriaethol ble fo angen) i sicrhau eu bod yn effeithiol ac yn effeithlon.

## Nod strategol 2

**Gwneud rheoleiddio a chofrestru yn well ac yn decach**

- Arwain datblygiad rheoleiddio mwy effeithiol trwy adolygu ein safonau, a chyflawni gweithgareddau eraill yn cynnwys ymchwil, cyngor polisi a mentrau gwella ansawdd, megis rhannu arfer da.
- Hyrwyddo, dylanwadu a chefnogi diwygio rheoleiddio.
- Hyrwyddo a monitro cydraddoldeb, amrywiaeth a chynhwysiant yn ein gwaith ac yn y rhai rydym yn eu goruchwyllo.

## Nod strategol 3

**Hyrwyddo a chefnogi gofal mwy diogel i bawb**

- Gweithio gydag eraill i sefydlu ystod lawn o swyddogaethau a argymhellir yn *Gofal mwy diogel i bawb* ar gyfer Comisiynwyr Iechyd a Gofal Cymdeithasol ym mhob un o bedair gwlad y DU.
- Gweithio gyda llywodraethau'r DU i ddatblygu strategaethau rheoleiddio i gefnogi strategaethau'r gweithlu.
- Gweithio gyda rheolyddion, Cofrestrau Achrededig a rhanddeiliaid eraill i hyrwyddo diwylliannau positif yn y gweithle; datrys unrhyw wrthdaro rhwng blaenoriaethau busnes a diogelwch cleifion; a rhwng manau diogel, atebolrwydd a'r ddyletswydd gonestrwydd.

# 1. Cynllun Busnes 2024/25

## Polisi a Chyfathrebu

- 1.1 Bydd ein ffocws yn 2024/25 ar ddarparu cyngor ac arweiniad ar ddiwygio rheoleiddio a gweithredu diwygiadau, gan gynnwys gwneud unrhyw newidiadau angenrheidiol i swyddogaethau a phrosesau PSA sy'n deillio o ddiwygio. Byddwn hefyd yn chwilio am gyfleoedd i ddefnyddio diwygiadau i wella rheoleiddio a chofrestru ymhellach.
- 1.2 Byddwn yn cyflwyno'r cynllun gweithredu *Gofal mwy diogel i bawb* ar gyfer 2024/25. Bydd hyn yn cynnwys ymchwil berthnasol, gweithio gyda rhanddeiliaid ar faterion cydraddoldeb, amrywiaeth a chynhwysiant (EDI), datblygu strategaethau rheoleiddio gan lywodraethau'r DU ac edrych ar yr hyn y gall mwy o reoleiddio proffesiynol ei wneud i gefnogi diwylliannau cyfiawn a dysgu.
- 1.3 Byddwn yn parhau i fonitro ac ymateb i ymchwiliadau ac ymgynghoriadau, ac i fonitro effaith polisi rheoleiddio.

## Cyfathrebu ac ymgysylltu

- 1.4 Byddwn yn cynnal unrhyw gyfathrebiadau ac ymgysylltu sy'n deillio o'r ddiwygio rheoleiddiol. Byddwn yn cynnal unrhyw gyfathrebiadau ac ymgysylltu sy'n deillio o ddiwygio rheoleiddio.
- 1.5 Byddwn yn cynnal ein digwyddiadau blynyddol, ar-lein ac yn bersonol, gan gynnwys symposiwm, cynhadledd ymchwil a seminarau yn yr Alban, Cymru a Gogledd Iwerddon. Byddwn yn cwblhau'r diweddariadau i'n gwefan i optimeiddio ei pherfformiad a gwella ein hygyrchedd i gynulleidfa oedd amrywiol.
- 1.6 Byddwn yn cynnal ein harolwg rhanddeiliaid blynyddol. Byddwn yn parhau i ddarparu cymorth cyfathrebu ac ymgysylltu ar gyfer gweithgareddau gwella rheoleiddio a chofrestru.

## Rheoleiddio ac Achredu

- 1.7 Mae gwaith y gyfarwyddiaeth Rheoleiddio a Chraffu yn cwmpasu pedair o swyddogaethau statudol y PSA: adrodd i Senedd y DU ar waith y rheolyddion (adolygiad perfformiad); adolygu penderfyniadau addasrwydd i ymarfer terfynol rheolyddion (adran 29); cynghori'r Cyfrin Gyngor ynghylch penodiadau rheolyddion i'w Cynghorau a rheoli'r Rhaglen Cofrestrau Achrededig. Yn ogystal, mae'n ymdrin â phryderon a godwyd yn gyffredinol am reolyddion a Chofrestrau Achrededig.

## Adolygiad perfformiad

- 1.8 Bydd y tîm adolygiadau perfformiad yn parhau i adolygu pob un o'r 10 rheoleiddiwr ac adrodd i'r Senedd ar eu perfformiad.
- 1.9 Byddwn yn cwblhau'r cylch blynyddol cyntaf o adolygiadau perfformiad gan ddefnyddio'r disgwyliadau diwygiedig ar gyfer ein safon EDI yn 2024/25. Byddwn hefyd yn adolygu ein Safonau Rheoleiddio Da i nodi lle mae angen newidiadau.

- 1.10 Bydd y tîm yn parhau i fonitro'r newidiadau a fydd yn cael eu rhoi ar waith fel rhan o waith y Llywodraeth ar ddiwygio rheoleiddio ac yn ystyried a oes angen diwygio ein prosesau.

## Adran 29

- 1.11 Mae'r tîm adran 29 yn adolygu penderfyniadau paneli addasrwydd i ymarfer y rheolyddion i ystyried a yw'r rhain yn ddigonol i amddiffyn y cyhoedd. Os yw'n ystyried eu bod yn annigonol yna gall y PSA gyfeirio'r achos i'r llys perthnasol.
- 1.12 Mae'r PSA yn derbyn pob penderfyniad sydd o fewn ein hawdurdodaeth. Mae gennym ddull cymesur sy'n seiliedig ar risg o edrych ar benderfyniadau, ac mae ei effeithlonrwydd wedi'i gymeradwyo gan archwiliad mewnol o'n gwaith adran 29. Nid ydym yn adolygu achosion lle mae'r unigolyn cofrestredig wedi'i dynnu oddi ar y gofrestr neu rai eraill (er enghraifft, ataliad pellach) lle yn ein barn ni mae'r penderfyniad yn debygol o fod yn ddigon i ddiogelu'r cyhoedd. Yn ymarferol, mae hyn yn golygu bod tua 30% o achosion yn cael eu cau heb adolygiad.
- 1.13 Ar gyfer y gweddill, rydym yn cynnal adolygiad cychwynnol byr i sefydlu a oes pryderon ynghylch y penderfyniad. Os oes, rydym yn ceisio gwybodaeth bellach (yn nodweddiadol, y papurau gerbron y panel a thrawsgrifiad o'r gwrandawriad) er mwyn i ni allu asesu a yw'r pryderon hynny'n awgrymu y gallai'r penderfyniad fod yn annigonol i ddiogelu'r cyhoedd. Mae hyn yn cynrychioli tua 90-120 o benderfyniadau y flwyddyn ar draws yr holl reolyddion; tua 4-5% o'r llwyth achosion. Os bydd y pryderon yn parhau, yna rydym yn cynnal cyfarfod achos gyda chyngor gan gyfreithwyr allanol cyn i ni benderfynu a ydym am atgyfeirio'r achos. Fel arfer rydym yn cyfeirio 15-20 o achosion y flwyddyn. Mae dros 90% o'r achosion a ddygwn yn cael eu cadarnhau neu eu setlo gan y llysoedd, gyda'r rheoleidiwr perthnasol yn cytuno nad oedd y penderfyniad yn ddigonol i ddiogelu'r cyhoedd. Rydym hefyd yn rhannu pwyntiau dysgu o'n hadolygiadau gyda'r rheolyddion i gefnogi gwelliannau mewn prosesau addasrwydd i ymarfer.
- 1.14 Yn 2023/24, derbyniodd y PSA 2,385 o achosion. Mae niferoedd wedi bod yn cynyddu flwyddyn ar ôl blwyddyn ers cwmp sylweddol yn ystod blwyddyn gyntaf y pandemig, er bod y cynnydd hwn wedi arafu yn 2023/24. Ein disgwyliaid cychwynnol yw y bydd nifer yr achosion yn 2024/25 oddeutu 2,600. Bydd ein hadnoddau presennol yn gallu darparu ar gyfer y nifer disgwyliedig o achosion.

## Cofrestrau achrededig (AR)

- 1.15 Yn ystod y flwyddyn byddwn yn parhau i asesu ceisiadau newydd a cheisiadau i adnewyddu, gan gynnwys monitro yn ystod y flwyddyn ac unrhyw adolygiadau targedig. Byddwn yn cyflwyno'r cylch cyntaf o adolygiadau gan ddefnyddio'r safon EDI newydd yn 2024/25. Byddwn yn parhau i weithio gyda'r GIG a'r Llywodraeth i godi ymwybyddiaeth o'r rhaglen Cofrestrau Achrededig ac alinio â meysydd lle mae angen y gweithlu.
- 1.16 Byddwn yn ceisio cynyddu mynediad Cofrestrau at wiriadau cofnodion troseddol, lle bo'n gymwys o dan y fframweithiau deddfwriaethol presennol sydd ar waith ledled y Deyrnas Unedig.
- 1.17 Byddwn hefyd yn adolygu ein Safonau ar gyfer Cofrestrau Achrededig i nodi lle mae angen newidiadau.
- 1.18 Nid yw'r gwaith Cofrestrau Achrededig yn cael ei ariannu gan ffioedd gan y rheolyddion. Fe'i hariennir yn llawn gan y cofrestrau.

## Penodiadau i gyrff llywodraethu'r rheolyddion

- 1.19 Adolygodd y PSA 13 o brosesau penodi yn 2023/24. Disgwylwn i'r nifer hwnnw fod yn debyg yn 2024/25.

## Pryderon

- 1.20 Mae'r PSA yn parhau i dderbyn pryderon am y rheolyddion. Yn 2023/24 roedd 358, a oedd yn cynrychioli nifer tebyg i'r flwyddyn flaenorol. Nid oes tuedd amlwg yn y nifer a dderbyniwn, ond nid oes gennym unrhyw reswm i gredu bod angen unrhyw newid yn yr adnoddau a neilltuir ar gyfer y gwaith hwn.

## Gwasanaethau Corfforaethol

- 1.21 Mae'r tîm yn darparu'r gwasanaethau canlynol: cyllid, adnoddau dynol (AD), technoleg gwybodaeth a chyfathrebu (TGCh), diogelwch gwybodaeth, llywodraethu, rheoli risg, archwilio, cyfleusterau, iechyd a diogelwch, parhad busnes, caffael a gweinyddu swyddfa.
- 1.22 Mae'r tîm yn gweithio i sicrhau bod y PSA yn sefydliad annibynnol, effeithiol, yn darparu gwerth am arian. Mae'n cefnogi'r Bwrdd a'r weithrediaeth i gyflawni swyddogaeth a gweithrediad esmwyth y sefydliad.

## Gwaith ar gyfer 2024/25

- 1.23 Yn y flwyddyn i ddod, bydd y tîm yn parhau i gefnogi gweithrediad cyffredinol y PSA tra'n sefydlu'r gwelliannau a'r arbedion effeithlonrwydd a gyflwynwyd yn 2023/24.
- 1.24 Mae AD a Llywodraethu yn parhau i ddarparu cymorth o ddydd i ddydd, gan oruchwylio'r holl recriwtio ac ymateb i'r holl faterion staffio a materion AD. Yn 2024/25 byddant yn ymwneud yn helaeth â gweinyddu'r gwaith o recriwtio pedwar aelod newydd o'r Bwrdd. Byddant hefyd yn gweithredu ail flwyddyn Strategaeth Pobl 2023/26.
- 1.25 Bydd cyllid yn parhau i ddarparu rhediad effeithiol o'r swyddogaeth gyllid o ddydd i ddydd, gan oruchwylio'r holl drafodion ariannol, caffael a chyflogres. Byddant yn adeiladu ar y gwelliannau i adroddiadau ariannol a rheoli cyllidebau a gyflawnwyd yn 2022/23 a 2023/24. Bydd hyn yn cynnwys parhau â'u harolygiaeth ragweithiol o'r holl gaffael.
- 1.26 Bydd TGCh yn parhau i ddarparu cymorth effeithiol o ddydd i ddydd wrth ddesg gymorth, rheoli contractau a seiberddiogelwch. Eu ffocws fydd gwreiddio strategaeth TG cwmwl a gyflwynwyd yn 2022/23 a 2023/24.

## Cydraddoldeb, Amrywiaeth a Chynhwysiant (EDI)

- 1.27 Yn 2023/24, fe wnaethom barhau â'n gwaith ar EDI. Cwblhawyd y gwaith o gyflawni ein cynllun gweithredu etifeddiaeth a chyflwyno Pecyn Cymorth Asesu Effaith Cydraddoldeb newydd. Fe wnaethom ddatblygu cynllun gweithredu newydd yn canolbwyntio ar gynhwysiant parhaus ar gyfer staff ac ychwanegu amcan allanol i ddatblygu ein harweinyddiaeth ymhellach yn y gofod EDI.




## 2. Cyllid ac Adnoddau

- 2.1 Mae'r PSA yn gweithredu fel corff annibynnol gyda dyletswyddau statudol. Mae'n atebol i'r Senedd.
- 2.2 Mae'r PSA wedi ei ariannu trwy:
- Ffioedd a gesglir gan y cyrff rheoleiddiol mae'n eu goruchwyllo sy'n ariannu costau ei swyddogaethau rheoleiddiol a safonau.
  - Incwm yn deillio o achredu cofrestrau gwirfoddol.
  - Incwm am gyngor ac ymchwiliadau sydd wedi comisiynu'n benodol gan yr Ysgrifennydd Gwladol ac/neu'r Gweinyddiaethau Datganoledig.
  - Incwm o weithgareddau eraill, er enghraifft, ffioedd o ddarparu cyngor a gwasanaethau cynghori i lywodraethau, cyrff rheoleiddio a sefydliadau tebyg eraill yn y Deyrnas Unedig a thramor.
- 2.3 Dan y Ddeddf Iechyd a Gofal Cymdeithasol 2012, mae'n ofynnol i'r PSA ymgynghori gyda chyrrff rheoleiddio yn eu cynghori o'i ofyniad cyllideb arfaethedig.

### Gwerth am Arian

- 2.4 Rydym wedi ymrwymo i ddarparu gwerth am arian. Ein nod yw gwneud hynny mewn tair ffordd: adolygu gwariant yn ofalus a rheoli costau; gwerthuso prosesau craidd yn systematig i nodi gwelliannau mewn effeithiolrwydd ac effeithlonrwydd; a gwneud y mwyaf o fanteision ein gwaith er budd gwell rheoleiddio a chofrestru. Rydym yn parhau i fonitro gwireddu buddion ar draws ein gwaith ac i ddyrannu adnoddau i sicrhau'r gwerth gorau am arian.
- 2.5 Ers 2021/22 mae swyddogaeth y Cofrestrau Achrededig wedi bod yn ariannu ei hun. Daeth ein gwaith i wella'r broses adolygu perfformiad i ben yn gynnar yn 2022 a chyflwynodd dull mwy cymesur sy'n hyrwyddo ac yn cefnogi gwelliannau yn y rheolyddion yn fwy effeithiol. Yn ystod 2023/24 a 2024/25 rydym yn adolygu ein swyddogaeth adran 29 a allai nodi gwelliannau effeithiolrwydd ac effeithlonrwydd pellach.
- 2.6 Mae ein cynllun strategol ar gyfer 2023-26 yn nodi ein cynlluniau i wneud y mwyaf o fanteision ein gwaith, gyda ffocws penodol ar gyfrannu at welliannau mewn rheoleiddio trwy ymchwil, cyngor polisi, a rhannu arfer da.
- 2.7 O ganlyniad i adolygiad yn 2022/23, penderfynom i gau Cynllun Pensiwn y GIG i ddechreuwy'r newydd o fis Ebrill 2023 a chyflwyno cynllun Cyfraniadau Diffiniedig yn ei le. Er na fydd arbedion yn cael eu gwireddu ar unwaith rydym yn disgwyl cynhyrchu arbedion sylweddol yn y tymor hir o'r newid mawr hwn.
- 2.8 Ailstrwythurwyd y tîm Adolygu Perfformiad yn 2023/24, gan gyflwyno swydd Pennaeth Adolygu Perfformiad i gymryd lle swydd wag Cyfarwyddwr Cynorthwyol. Fe wnaethom hefyd ddisodli Pennaeth Cyfreithiol yn y tîm adran 29 gyda Chyfreithiwr Arweiniol. Yn y tîm Cyllid, disodlwyd rôl Swyddog Cyllid gyda swydd Gweinyddwr Cyllid i adlewyrchu'r cyfrifoldebau yn fwy cywir. Mae'r holl newidiadau hyn wedi sicrhau arbedion cost.
- 2.9 Rydym yn parhau i gynnal cyfarfodydd rhithwir ar gyfer ein Pwyllgor Craffu, Pwyllgor Enwebiadau ac ar gyfer gweithdai y Bwrdd, sy'n sicrhau arbedion mewn costau teithio a chynhaliadau i aelodau'r Bwrdd.


- 2.10 Fe wnaethom symud i swyddfeydd newydd ym mis Mawrth 2023. O ganlyniad i leihau maint a chyflwyno desgiau poeth a gweithio hybrid rydym wedi lleihau ein gwariant blynyddol ar lety o tua £100,000. Drwy gydol y prosiect adleoli gwnaethom gadw costau mor isel â phosibl drwy sicrhau cymorth cyfreithiol am ddim gan Hyb Cyfraith Eiddo Adran Gyfreithiol y Llywodraeth, trwy garedigrwydd yr Adran Iechyd a Gofal Cymdeithasol.
- 2.11 Drwy weithredu ein Map Ffordd Trawsnewid TG Cwmwl yn 2022/23 a 2023/24, gwnaethom leihau gwariant cyfalaf blynyddol £50K o gymharu â blynyddoedd blaenorol a chyflawni arbedion hirdymor mewn costau TG gweithredol.
- 2.12 Rydym yn ymwybodol o'r pwysau ariannol a wynebir gan nifer o unigolion cofrestredig sy'n gweithio ym maes iechyd a gofal cymdeithasol. Cost gyfartalog gwaith rheoleiddio a gosod safonau'r PSA fesul unigolyn cofrestredig yn 2023/24 oedd £2.59. Mae hyn yn cymharu â £2.65 yn 2022/23, £2.72 yn 2021/22, £2.68 yn 2020/21 a £2.70 yn 2019/20, fel y dangosir isod. Ar sail niferoedd yr unigolion cofrestredig ar 1 Ionawr 2024, ein ffi fesul unigolyn cofrestredig yn 2024/25 yw £2.58.



## Rhagdybiaethau

- 2.13 Mae'r tybiaethau ar gyfer busnes fel arfer yn 2024/25 y gwnaethom adeiladu ein cyllideb arnynt fel a ganlyn:
- Codiad cyflog ar gyfer yr holl staff ac aelodau'r Bwrdd o 4% o fis Ebrill 2024 a thaliad anghyfunol untro o £750 i staff ym Mandiau 1 a 2.
  - Yn seiliedig ar y costau adennill cyfartalog dros y tair blynedd diwethaf, byddwn yn adennill 25% o gyfanswm gwariant ar gyngor cyfreithiol yn ymwneud ag achosion adran 29.
  - Y bydd cyfanswm cost camau cyfreithiol yn weddol debyg i flynyddoedd blaenorol.
  - Y bydd nifer yr achosion addaswydd i ymarfer oddeutu 2,800.
  - Bod niferoedd staffio yn cynyddu o un o gymharu â dechrau 2023/24 (oherwydd ychwanegu Swyddog Polisi o ganlyniad i waith yn deillio o ddiwygio rheoleiddio).
  - Na chyflwynir unrhyw newidiadau deddfwriaethol sy'n addasu dyletswyddau'r PSA i'r fath raddau fel y bydd yn effeithio ar ein costau, yn ystod y flwyddyn.
  - Bydd y DHSC yn bwrw ymlaen â diwygio rheoleiddiol fel y cynlluniwyd.
- 2.14 O gymharu â'r gyllideb ar gyfer 2023/24, mae costau staffio a chwyddiant wedi cynyddu ar rai costau nad ydynt yn gostau staff. Rydym wedi lleihau costau mewn perthynas â: rhent swyddfa; recriwtio; teithio staff; a chyhoeddiadau/cyfathrebu.
- 2.15 Y sefydliad staffio yn unol â'r gyllideb ar gyfer 2024/25 yw:
- | Swyddi                    | 2023/24   | 2024/25   |
|---------------------------|-----------|-----------|
| Prif Weithredwr           | 1         | 1         |
| Cyfarwyddwyr              | 3         | 3         |
| Cyfarwyddwyr cynorthwyol  | 2         | 1         |
| Penaethiaid swyddogaethau | 6         | 6         |
| Rheolwyr                  | 6         | 7         |
| Arbenigwyr technegol      | 4         | 4         |
| Swyddogion a chynghorwyr  | 17        | 18        |
| Gweinyddwyr               | 3         | 3         |
| <b>Cyfanswm</b>           | <b>42</b> | <b>43</b> |
- 2.16 Mae'r 43 swydd yma yn gyfwerth â 41.1 o swyddi amser llawn.
- 2.17 Y cynnydd cyffredinol yn y ffioedd sy'n ofynnol gan y rheolyddion yn 2024/25 yw £232,000 (5%).

Cyfran y costau staff a ddyrennir i swyddogaethau allweddol



### Cyllidebau Dangosol

Rheoleiddio a safonau	2024/25 £'000	2023/24 £'000
Gwariant gweithredu net (ac eithrio dibrisiant ar gyfer asedau a brynwyd yn ystod y flwyddyn ac amorteiddiad cronfa ddata)	5,109	4,687
Gwariant cyfalaf	50	50
<b>Is-gyfanswm</b>	<b>5,159</b>	<b>4,737</b>
Cronfa wrth gefn a ad-dalwyd	(290)	(100)
<b>Cyfanswm gofynion ariannu</b>	<b>4,869</b>	<b>4,637</b>

### Dadansoddiad o'r gwariant

	2024/25 £'000	2023/24 £'000
<b>Gwariant</b>		
Costau staff	3,615	3,295
Costau gweinyddol eraill	1,621	1,540
<b>Incwm</b>		
Incwm gweithredol	(127)	(148)
<b>Gwariant gweithredu net</b>	<b>5,109</b>	<b>4,687</b>

Gwariant cyfalaf	2024/25 £'000	2023/24 £'000
Technoleg gwybodaeth	40	40
Gosodiadau a ffitiadau	10	10
<b>Gwariant cyfalaf</b>	<b>50</b>	<b>50</b>

### Costau gweinyddol

	2024/25 £'000	2023/24 £'000
Penodiadau'r Bwrdd	100	0
Recriwtio	15	32
Hyfforddiant a chynadleddau	73	75
AD arall	14	20
Teithio staff	10	10
Gweinyddol arall	40	48
Deiliadaeth	324	331
Archwiliad	68	72
Cyfreithiol Corfforaethol	10	10
TGCh	136	151
Tâl y Bwrdd	113	102
Treuliau'r Bwrdd	32	28
Cynadleddau polisi	45	60
Cyngor ac ymchwil polisi a gomisiynwyd	75	50
Cyfathrebu	45	21
Ymgysylltiad	109	107
A29 cyfreithiol	369	372
Craffu ac Ansawdd(S&Q) cyfreithiol cyffredinol	20	31
Craffu ac Ansawdd arall	23	20
Dibrisiant	0	0
<b>Cyfanswm costau gweinyddol</b>	<b>1,621</b>	<b>1,540</b>

### Incwm Gweithredu

	2024/25 £'000	2023/24 £'000
Adfer costau Adran 29	119	143
Incwm gweithredu arall	8	5
<b>Cyfanswm Incwm Gweithredol</b>	<b>127</b>	<b>148</b>

2024/25	Costau staff £'000	Costau net eraill £'000	Cyfanswm Costau £'000
Polisi	976	274	<b>1,250</b>
Gwasanaethau Corfforaethol	1,053	927	<b>1,980</b>
Adran 29	660	293	<b>953</b>
Arolwg Perfformiad	926	0	<b>926</b>
<b>Cyfansymiau</b>	<b>3,615</b>	<b>1,494</b>	<b>5,109</b>

**Cofrestrau achrededig (Cyllideb ddangosol er gwybodaeth yn unig)**

	<b>2024/25 Cyllideb £'000</b>	<b>2023/24 Cyllideb £'000</b>
<b>Incwm</b>		
Ffioedd	702	583
Cyfanswm	<b>702</b>	<b>583</b>
<b>Gwariant</b>		
Costau tâl	462	404
Costau nad ydynt yn dâl	232	197
Cyfanswm	<b>693</b>	<b>601</b>
<b>Cyfanswm dros ben/(diffyg)</b>	<b>8</b>	<b>(18)</b>

### 3. Dangosyddion Perfformiad Allweddol

Maes Gwaith	Dangosyddion perfformiad allweddol
Cyllid	<ul style="list-style-type: none"> <li>Amrywiant incwm / gwariant wedi'i gyllidebu yn llai na 5%</li> </ul>
TGCh	<ul style="list-style-type: none"> <li>Datrys 85% o alwadau desg gymorth o fewn diwrnod</li> <li>Diffyg argaeledd y system yn is na 10 awr mewn unrhyw fis</li> </ul>
Diogelwch gwybodaeth	<ul style="list-style-type: none"> <li>Dim achosion wedi eu hadrodd i Swyddfa'r Comisiynydd Gwybodaeth</li> </ul>
Ceisiadau gwybodaeth (FOI / SAR / EIR)	<ul style="list-style-type: none"> <li>100% Delio â phob Cais Gwrthrych am Wybodaeth o fewn dyddiadau cau statudol</li> <li>Delio â phob (100%) cais Deddf Rhyddid Gwybodaeth o fewn dyddiadau cau statudol</li> </ul>
Cwynion	<ul style="list-style-type: none"> <li>Cydnabod 100% o gwynion ymhen pum niwrnod</li> <li>Cwblhau ymateb i bob cwyn o fewn 28 niwrnod</li> </ul>
Penderfyniadau adran 29	<ul style="list-style-type: none"> <li>Nifer o achosion a dderbyniwyd [o gymharu â'r un cyfnod y llynedd]</li> <li>Nifer yr Achosion a ystyriwyd mewn cyfarfod achos neu gyfarfod terfyn amser statudol [o'i gymharu â'r un cyfnod y llynedd]</li> <li>Apeliadau a gyflwynwyd [o gymharu â'r un cyfnod y llynedd]</li> <li>Ystyried 100% o benderfyniadau perthnasol o fewn y dyddiad cau statudol [o gymharu â'r llynedd]</li> </ul>
Adolygiadau Perfformiad	<ul style="list-style-type: none"> <li>100% o adolygiadau perfformiad 2024 wedi'u cyhoeddi o fewn tri mis i ddiwedd y cyfnod adolygu</li> </ul>

Pryderon y cyhoedd am Gyrrff Rheoleiddio	<ul style="list-style-type: none"> <li>• Cydnabod 100% o bryderon o fewn pum niwrnod gwaith</li> </ul>
Cofrestrau Achrededig	<ul style="list-style-type: none"> <li>• 90% o gofrestrau'n cael asesiad llawn o fewn tair blynedd i asesiad blaenorol.</li> <li>• 90% o benderfyniadau ar y gwiriad blynyddol wedi eu gwneud o fewn blwyddyn i'r asesiad blaenorol.</li> <li>• 95% o'r Amodau'n cael eu hadolygu o fewn dau fis i'r dyddiad yr oedden nhw i fod.</li> <li>• 100% o adolygiadau targedig yn cael eu cwblhau o fewn pedwar mis i'r dyddiad cychwyn.</li> <li>• 90% o benderfyniadau am geisiadau Safon 1 newydd yn cael eu gwneud o fewn pedwar mis i'w derbyn.</li> <li>• 90% o benderfyniadau am achrediad llawn (Safonau 2-9) yn cael eu gwneud o fewn wyth mis i'w derbyn.</li> </ul>
Cyfryngau Cymdeithasol	<ul style="list-style-type: none"> <li>• Cyfanswm y dilynwyr ar draws ein sianeli cyfryngau cymdeithasol (a nifer y dilynwyr newydd)</li> <li>• Nifer yn ymgysylltu â'n postiadau cyfryngau cymdeithasol</li> </ul>
Defnydd o'r wefan	<ul style="list-style-type: none"> <li>• Data blwyddyn hyd yma ar ddefnydd gwefan o fis Ebrill 2024 hyd yma gyda'r un cyfnod y llynedd mewn cromfachau</li> <li>• Cyfanswm yr ymweliadau â thudalennau ar draws y wefan</li> <li>• Tudalen Ianio Gwirio Ymarferwr a thudalennau ymarferwyr penodol</li> <li>• Tudalen hafan Cofrestrau Achrededig a thudalennau Cofrestrau Achrededig cysylltiedig</li> </ul>



E-03130199  
ISBN 978-1-5286-4918-6

**Yr Awdurdod Safonau Proffesiynol ar gyfer Iechyd a Gofal Cymdeithasol**

16-18 New Bridge St  
Llundain  
EC4V 6AG

Ffôn: **020 7389 8030**  
Ffacs: **020 7389 8040**  
E-bost: **info@professionalstandards.org.uk**  
Gwefan: **www.professionalstandards.org.uk**

